

نومرو: ۱۳

مارت ۱۳۲۶

ایکنجی سنه

علم حقوق و مقایسہ قوانین مجسمہ و عری

ہر آی نشر اولنور

مؤسس و صاحبی:

کرملجنہ مہرئی: محمد عارف

جزا حاکم و آوقا تدرینه

محمد شرف

— مابعد —

قانون جزا مزك ۱۷۴ نجی ماده سنك فقره اخیرمسی تعمیدی اولمادینی حالده
عجرمی اعدام ایدیور . بوده اوچ صورتله تجلی ایدیور .

۱ — تلف نفس قضیه سی آخر برجنایتی اجرا ایدرکن . ۲ — یا قبل الاجرا
و یا بعد الاجرا . ۳ — و یا خود بر جنحه یی برای اجرا وقوع و عولش ایسه
اتلاف نفس ایدن شخص قانوناً اعدام جزاسیله مجازات اولنور .

بونده جالب دقت جهت؛ تشدید جزای بالاشترک ایجاب ایدن مقدم و مؤخر
و یا معقب جرمک موافقه یعنی وحدت زمان و مکانده وقوع عیدر . فقره اخیر
ایله حکم اتمک ایچون هر حالده ایکنجی جرمک مطلقاً و قطعاً اسباب موجب
حکمییه یی حاویاً ثبوت بولسی مشروطدر . یعنی تلف نفس قضیه سنك تحقیق
و تدقیقه درجه ثبوته ایصالی جرم ثانیك ثبوتنه احتیاج بر اقدیفنی ایجاب اتمز .
برنجیسی نه وجهله ثابت اولمش ایسه اسباب مشدده دن اولان جرم ثانیك ده
اوصورتله ثبوتی شرط اعظمدر . ایسته بو حالده قانون اعدام ایله حکم ایلمکده در .
اوللری جزای اعدام کفارت زنوب و عبرت فکرینه مستنداً غایت اشکنجه لی
بر صورتده اجرا ایدیور ایدی . لکن مدنیك ترقیسی بونلری لغو ایش و شمدی
صلاً و یا خود بر ماکنه ایله اعدام اولنمقدده بولنمشدر .

باواش یواش جزای اعدام علیه افکار حکما چورلش به قاریا و روسو
و ولونیه کی اعظم متفکرین « بردشمنی اسیر اتمک اقتداری اولمینجه اونی
اعدام ایلمک حق یوقدر » طرفکیر اعدام اولنر ایسه جمعیت بشریه یه اساسلی
برفالق یاמש اولانك غنی حالی کورمسی جمعیه ارثی برحقدر دیور فرانسه ده

جرائم سياسيه ده اعدام لغو ايدلش و يالكز جرائم عادييه منحصر قالمشدر . جزای اعدام مسائل اجتماعيه آراسنده جداً آغردر . لكن جمعيتك حق مدافعه مشروعه سنی دوشوننلر ايجون بونك لزومنده تردد ايدلز . شخص اجتماعي مخلوق منفرد كي مدافعه مشروعه يولنده هر شئي يايتمده مختاردر ؛ يالكز مسئله مشروعت ؛ فكر فائده ايله قاريشمليدر . بونك ايجون جزاينوندن « تارزه » شويله بر سوال ايراد ايتمشدر : جزای اعدام مشروعيدير . لزومليدير ؟ بوايكي سؤاله بر جواب ويريلور . لزومسز بر جزا مشروع اوله ماز . لازم اولديني حاليه ايسه مشروعتي حقنده سوز ايستمز . هر كس كندی تلقبات مذهبيه ويا افكار فلسفيه سنه استناداً حيات بشرك ناقابل تعرض اولديغندن بحث ايتكمدهدر . لكن حقيقتده هانكي سيبه مستنداً حریت بشريه دن ده زياده حيات انسانيك ناقابل تعرض اولديني كورنمور . هيچ كيمسه بر محاربه مدافعه نك مشروعتني انكار اتمه مش و اتمه جكدر . او حاليه تهلكه طيشايدن كله جك يردم ايجرودن ظهور ايتديكي حاليه حق مدافعه غير موجودميدر ؟ جناياتك بادی اولديني امنيتسزلكي جزای اشدن بشقه نه ايله اعاده نمكندر ؟ او حاليه جزای اعدامك لزومي نمايان اولور .

بشقه نقاط اعتراضيه درميان اولنور : مثلاً مجرمي اعدامدن ايسه ابدیاً حریتدن محروم ايتك امكاني وار ايكن حياتي ازاله ده نه معنا واردر ، دنيلور . لكن اعدام جزا سنك تره يي بونده يوقدر . چونكه مجرم محكوم ايجون هر وقت بر اميد عفو و يا فرار موجود و بونكله برابر جزای اعدامك لغوي مجرمين ايجون عادتاً بر تشويقدر . جزای اعدامك لغوي حقنده اك قوتلي دليل ؛ بر خطاء عدلي نتيجه سييله محكومك بالآخره معصوميتي تحقق ايتديكي تقديرده بونك ناقابل اصلاح واعاده اولمليدير فقط بو اساسده دكادر . ناقابل اصلاح بر مجرمه صوك درجهدن بكشمش بر حكم ايله ويريلن جزا نك قابليت اصلاحي ارتق موضوع بحث اوله ماز . ناقابل تعمير اولمديني حقنده كي اعتراض ده اجديدر . لكن بوجهت محروميت حربي ايجاب ايدن حكملرده يوقدر ؟ في الحقيقه ده امرحتلي بر شارعك عن خطاء محكوم اولمش اولانلر ايجون بر تضمينات دوشونديكني تصور ايتسه لك بيله

مثلاً کورک موقعی که مجرم کجی را می بیند ، چکیدی که من و مشاق ایل
مرومیتلری اعاده اید به جکمی ؟ یوقاروده بالناسبه سویله مش ایدم : بشرک
عدالتی عجزدن عبارتدر . خطاء عدلی هر وقت ایچون واقعدر ، یترکه قصده
مقرون اولیه . معافیله جزای اعدام لغوی حقنمده کی افکار کوندن کونه
توسع ایتنمده ومظهر قبول اولقمده در .

کورک

بوجزا ، مؤبد وموقت اولق اوزره جرائم سیاسیله ایل قتل نفوس وشقاوت
کی جرملره ویریلور .

مؤبد کورک جزای مشروعمیدر ؟ بو مسئله پک چوق مباحثائی موجب
اولمشدر . بونک مقابلنده اگر قابلیت عفو اولماسه مشروعتنده شبه ایدیلوردی .
زیرا ؛ مؤبداً محکوم اولان برجانیک حرکات و افعالنده صلاح پیدا ایتدیکی
حالدوم محکومیتی عدله مغایردر . بونکله برابرکسب صلاح ایتک آرزونسک
اویانلی ده مقابلنده بر امید خلاصک موجودیتله قائمدر . مؤبداً محکوم اولانک
بر امید مستقبله باغلامیهرق کسب صلاح ایدمچکنی تصور ایتنمده منطقی یوقدر .
بوسبیله مطلقاً جانی به بر امید عفو ویرملی ؛ که سیات سابقهستدن بریشپانی ؛ مطلقه
حسن ایدمک خلاصی چارملرنی آراسون . یوقسه امیدسنر بر محکومیتدن بر
نتیجه چیقاماز ، چیقاماز .

ایچون حبس ایدیوروز ، حریت وحقوق طبیعی سائرمسنه چکدیکمز بوسده
سبب نهدر ؛ صلاح حالته خدمتله اوکا وظائف انسانی و مدنیه سنی اخطار
دکلی ؛ او حالده بونده بر امید خلاص بر اقامت ایسهک بو جزایی ویرمکن نه
چیقار ؛ فی الحقیقه تجارب سابقه ایل ناستدر ؛ که مجازات مؤبد ایل صلاحیت عفو
محتوی اولان شرائع تنزیریه پک مکمل بر اصول مجازاتدر .

موقت کورک جزای اوچ سنه دن اون بش سنه به قدردر . مکرر لر حقنمه
فصل مخصوصنده بیان مطالعه اولنه جقدر .

کورک موقعلری بزده غیر معیندر . علی الاکثر محکوم اولدینی حبس خانه لرده

اکمال ایندیریلور و بعضاً - جرائم سیاسیہ عمومی اعتباریلہ - پیاس ، بودرورم ، عکا ، سینوب ، رادوس کی قلمہ حبسخانہلرینہ سوق اولور . حالوکه هنوز حبسخانہلر حقنہ بر قرار مصیب ویریلرک هیچ بر اصول مستحسن تطبیق ایدیلہمہ مشدر . سوق حدتله ، برسو ، تصادق رهگذار حیاته چقمہ سیله ارتکاب جرم ایدنلرک قسم اعظمی کیردکاری حبسخانہلردن مکمل جانی اوله رق ، جمعیت عثمانیہ بر بارکران اولدنی حالده ، چیقورلر . مشغولیت داخلہ آرزوی موقوفینہ بر اقلمش ، انتخاب و تعیین مأموریتده اک زیادہ اعتنا ایدلمسی ایجاب ایدن حبسخانہ مدیر و غاردیانلری بوسبتون اہمال ایدلمشدر . حالوکه جمعیت بشریہده اک زیادہ محتاج نامل و اصلاح اولان موقوفیندر . بونلرک تأثیر سیاتنه حائل اولان قالین دیوارلر آراسندہ کی حیات محرمہ میتہ نفوذ ایدیلہجہ اورادہ کی فجاعت حال و شاعت اخلاقہ ، وشو فناقلرک دہبدم فصل ترقی ابتدکنہ بر نظر تأسف نفرت آمیز ایله باقامق الدن گلز وامبد وارزکہ حکومت عثمانیہ آرتق محبوسلرک اصلاح حالہ متعلق خصوصاتی لابقی وجہلہ نظر دقتہ آلیر !... [*]

بر آدمی توقیف ایتکدن مقصد نہدر ، نہ ایچون بر وطنداشک مساوی احوالی بر سبب طوتہرق ، عدل و منفعت فکریلہ ارامزدن آیروب درت دیوار آراستہ آتیورز ؟ مادام کہ جزا ویرمکده کی مقصد اصلیمز مطلقا فکر عدل ایله حس منفعتہ عائددر . موقوفدہ بوعدالتمزدن حصہ یاب اولسی لازم گلزمی ؟ بوعدالت . بو منفعت اونی محکوم ایدن جمعیتہ عائدمیدر ؟ او حالده محبوسلکدہ بوندہ بر حق مشروع و حصہ صریحی واردر . توقیفده ایکی مقصد موضوع بحث اولور ؛ کہ اخلاقک تبدیل و اصلاحنه خادم اولق ، ضبط و ربطی یرندہ بولمقدر . بوندہ اصلاح اخلاق ایله اولور ، او حالده برامید عفوایله یورویہرک صلاح حال پیدا ایتسنہ مصادف مشاغل داخلہ بولق لازمدر .

[*] « حبسخانہلردہ اوتوز الی آلیق حیاتم » نامیلہ یازدیئم بر آردہ بو منظر نعییمہ

قلمه بندلك

بوده مؤبد و یا موقت اوله رق عینله کورک کبی، فقط همان جرائم سیاسیه مخصوص، بر جزادر. مجرم دولتیجه تعیین اولسان قلمه لردن برنده حبس و توقیف اولنور. قانون جزانک یکرمی بشنجی ماده سنده مصرح اولدنی وجه اوزره حبس ایله نفی شامل بر جزا اولدیغندن محکوم نظامات موضوعه دائره سنده داخل و خارجله مخایره و اختلاط ایدم بیلور قلمه بندلك حقنده اورویاجه مؤسس اولان اصول؛ محکومی استعدادی داخلنده مشغول قیله جق ایش بولق، خلاصه اونی جمعیه یارار بر حاله قویتمقدن عبارت اولوب بزده بوجهت مع التأسف امال ایدلمش و هیچ بر وقت قلمه بندله عادی موقوفلر قدر اولسون اهمیت ویرلمه مشدر.

نفی

بوده مؤبد و موقت اولق اوزره ایکی قسمه تفریق اولنمشدر. محکومی دولتیجه تعیین اولسان بر محله کونده مرک عائله سیله اقامت ایتدیرمکدر. منافک تعیینی حکومت اجرائیه عائددر. بوجهت ویریلن حکمده تصریح ایدلز.

حقوق مدنیهدن اسقاط

حقوق سسته مدنیهدن محرومیتی ایجاب ایدر. رتبه و مأموریتدن اسقاط جزائی مشروطدر. بردها دوات مأموریتنده بولنه ماز.

حقوق بلدیهدن محرومیت؛ مملکتجه، ملتجه، و اصنافجه بر مأموریت رسمیهده بولنه مامقدر. بوخصوص؛ محله مختار و هیئت اختیاریه سنده داخل اوله مامق، حق انتخابه مالک اولماق، مبعوث اوله مامق، اصناف آراسنده ریاست ایدمه مک کی حقوقدن محرومیتدر. مکتب معلمکننده، اجرای تحقیقاتده قوللائینی کی شهادتی معلومات قیلندن اولوب ذات دعاویه تأثیری اوله ماز. بر

بر دعواده وكالت ، وصايت ايده من و سلاح طاشيه من . مجازات ترهيه يي مستلزم اولان افعال جرميه نك كافه سنه برابر حكم اولنور . آيروجه حكم ده دخی آيحق اقصر مجازات جنايه اوله رق تعين ايدلشد .

هيئت عموميه سي اعتباريله جمعيت حاضرده بوجزايه محكوميت پك آغردر . لکن اعاده حقوق ممنوعه نك تأسيسی محكومده اميد خلاص وصلاح اويانديره جني چهتله مؤديتي بونك قارشوسنده اهميتسر قالور .

جنحه

بر هفته دن اوج سته يه قدر حبس ، موقتة نفی و مأموريتدن طرد و جزای نقديدر . جزا قانونك آلتيجي ماده سي موجبجه بو جزالر بعضاً برابر و بعضاً يالكز اوله رق حكم واجرا اولنور .

جرم

جزا قانونه مخالف برحرکت مادينك وقوعيله برابر شوحرکتك بروظيفه رسميه ويا صلاحيت قانونيه داره سنده اولماسی ومنهي عليه بر امرك يابيلمسی ويا اجراسی امر اولمش بر فعلك يابيلماسی جرمی تشکيل ايتديکته نظراً بر جرمك درت جزؤدن ترکب ايتديکی اکلاشيلور ؛ (۱) جزؤ مادی ، (۲) جزؤ معنوی ، (۳) جزؤ حق ، (۴) جزؤ ناحق .

۱ — جرمك وقوعنده بو جرمه عائد بر قانونك موجوديتی لازمدر . بر فعلی امر ونهی ايدن واکا جزا تعين ايله ين بر قانون ميدانده اولدينی حالده شو موجوديت ؛ جزؤ حق تشکيل ايدر . بو قانون ؛ فعلك وقوعندن اول موقع تطبيقه وضع ايدلمش و قانونك بر عثمانلی قانونی بولمش اولسی شرطدر . برنجیسی ؛ قانونك اجرای احكام ايلديکی زمانی تعين وایکنجیسی ؛ حکم ايلديکی مکاني تخصیص ايدر . بوندن ايکی اساس ميدانه چيقار . برنجیسی ماقبله عدم مشموليتدر . ايکنجیسی قانونك بر ملکک اراضیسی داخنده حکم فرما اولميسيدر ؛ که « محلی » دنيلور .

۲ — جرم؛ قانون جزایه مخالف حرکت کردن عبارت اولسئه نظراً بر قانونه مخالف حرکت اونك محتویاتنه معارض بر فعلده بولنقی دیمکدر . اکر قانونك نهینه مقرون بر حرکت اجرا ایدیلورسه بوندن بر « فعل » میدانه کلیر واکثر جرائم شو صورتله حاصل اولور . قتل ، سرقت کبی .

اگر قانون؛ بر فعلك اجرایی امر ایدرسه ، بواصر اجرایه قارشو بی حرکت قالمق دم جالب مجازات اولور؛ که بوده « اهل » در . بوقیل وقوعات نادر در . بوراده کی جرائمده دقت ایدیله جك جهت « قصد » ك وقوعیدر . ایشته بوکا جزؤ مادی دینیلور .

۳ — یالکیز فعلك ممنوع و قانونك موجود اولسی غیر کافیدر . فاعلك اختیار وعقلنه ، و تشبث خودیله و قوعنده قوه فکریه سئه ، مالیکیتی شرطدر؛ که بوده جزؤ معنوی بی تشکیل ایدر .

۴ — مدافعه مشروعه و مرجع رسمیدن بر امرك ایفاسی کبی حقه مقرون اولهرق ایشلنمه مش ، دوزغیدن دوزغییه قصد شناعته اقتراً ایفا ایدلش اولسی در؛ که بوده جزؤ ناحقی تشکیل ایدر .

بر مجرمك فعلنه جزا تطبیقندن اول شو اجزای اربعه جرمك موجود اولسی و برینك نقصانی حالتده جزا ویریله میه چکی طبیعیدر . بونلری برر برر تدقیق ایتمزدن اول ، بر جرمی کیم ارتکاب ایده بیسلور ؟ و جرم کیمه قارشو ارتکاب اولور ؟ سؤاللرینه معروض قالورز . حقوق جزائیة حاضرده مسئول اولان آنجق شخصدر . حیوانات و اشیا واسطه و آلت اولمقدن بشقه بر شی دکلدر . اشخاص ؛ حقوق نقطه نظرندن مادی و معنوی اولمق اوزره ایکی به آیرلمشدر . بونلرک هر بری حقوق جزانك فاعل و یا معذوری اوله بیله جك احواله مقتدر می در ؟ اشخاص حال حیاتنده بر جرمك فاعل معذوری اوله بیسلور . بونك ایچون بر اعتراض یوقدر . جنین و یامیت حالتده آنجق فاعل اوله ماز . فقط بونلره قارشو جرم ارتکاب ایدیلور . عثمانلی جزا قانونی رحم مادرده کی بر چو جغه قارشو ارتکاب اولسان بعض افعال ایچون جزا تعیین ایتمشدر . اشخاص مادیه نك یاننده بر چوق شخصلرک اجتماعندن حاصل اولمش برده اشخاص معنویه واردر . دولت کبی

جماعت ، مؤسسات ماليه وعموميه کي هيٺلر برر شخص معنوی عد ايديلور .
 عجباً بونلر بر جرمک فاعل ويا مغدوری اوله بيلورلرمی ؟ جزا شخصی
 اولمق نقطه نظرندن بونلره مسئوليت جزائيه ترتيب ايدرمی ؟ حقوق
 عاديہ نقطه نظرندن اشخاص معنويه عينيله بر شخص ماديہک مسئوليتی کي
 عتاب قانونيه معروضدر . حق تصرفلری واردر . دائن و مدیون
 اوله بيلورلر . هر درلو عقود و تعهداتده بونلورلر و لکن جهت جزائيهده
 بوحق و مسئوليت واسع دکلدر ، مکمل دکلدر . حقوق تصرفه قارشى واقع
 اولان بر تجاوز و مداخله نتیجه سندن اشخاص معنويه متضرر اولور .
 لکن شو ضرر شخصاً اولاماز . زیرا انلرک موجودیتی صرف معنوی در . [*]
 بونلرک مغدور و مشتکی اولدقلری حقنده جزائون هان عمومیتی اعتباريله
 متفق علیه در . لکن بر جرم فاعلی اوله بيلورلرمی ؟ ايسته مسئله بوراده در .
 بوقیل شرکترلر و مؤسسات مدنيه نك کانه می ماده و شخصاً غیر متعیندر . عاقد ؛
 عنوان شرکت و شرکتنک مأمور و وکیل در . شاید بونلرک تجربی اقتضا ایتسه
 شخصیت جزائيه اورته دن قالقار . حالو که عدالت انحق مرتکب جرمه تطبیق مجازاتدن
 عبارت اولسته و بالنفس مطلقاً بر جرمی ایشله مک عزیميله اورته ده معین و ماده
 موجود بر شخصک بولنامسه بناء شیعدى بر شرکت و یا مؤسسه نك قانون
 جزا نظرنده مسئولیتی اقتضا ایتسه چکدر لمسی اقتضا ایدن الم کیمک حقنده تطبیق
 ایديله چکدر . بونک ایچون جزائک محرومیتی حقوق و حریتی ایجاب ایدن
 شرکترلره ناقابل تطبیق در . جسماً جزا تطبیقته امکان عقلی یوقدر . لکن
 نقداً جزا ویريله بيلور . مع مایه بر شرکت مدیرینک و یا اعضاسنک او شرکته
 نسبت ایدوبده شخصاً و نظامات شرکت خلافنده ارتکاب ایدم چکلری جرائندن
 مسئولیتلری طبعی در . بونکله برابر شرکترلر مأمور و یا وکیللرینک حقوقاً
 مسئولیتلرینه مشترکدر .

جزؤ حق

محاکم انحق قانون جزاده مصرح اولان مجازاتی تطبیق ایدم بيلور . جمعيات

[*] شرکترلر حقنده مسئولیت قانونيه ناسنده کی اثره مراجعت اولنه .

حاضر مدنیه معنویاته، وجدانیاته تعلق ایدن خصوصاً تنه جزا تطبیق ایده مزلر. بونک ایچون بر قانون جزانک موجودیتی مشروط اولدیندن بونک مخالف حرکات قانوناً جرم تشکیل ایتسه بناءً جزؤ حق ایشته بواساسه مستنددر. زیرا معنویاته تطبیق جزا قدرت محدوده بشر فوقده اولغله برابر بر فعلک جرم تشکیل ایلدی و قوعندن اول بر قانونک موجود اولسنه متوقف و بوده ماقبله عدم مشمولیت قاعده سنه مستنددر. لکن بر قانونک موجودیتی و فعلک حکم فرما اولان قانوندن صکره و قوعی همان آنک تطبیقی تأمین ایتمز. حق و حاکمیت نقطه نظرندن ملئر بر بشقه ملکک قانونیه کندی ملککنرنده جزا کورمکی ترویج ایتمه شلردر. حق تشریع ملته عائد و تطبیق جزا ایدن حاکمیت ملت اولغله هیچ بروقتده بر عثمانی بر اجنبی قانوننه تطبیقاً تجریم ایدیله مز. بوندن ا کلاشیلور که قانون جزا « محلی » اولمیدر. بوتعبیر؛ جزا قانونک حکمران اولدینی دائره نی تعیین ایدر. اجزاء اربعه جرمندن جزؤ حق کوسترن شو ایکی قاعده نی آیری آیری تدقیق ایده بیلورز.

ماقبله عدم مشمولیت

کرك قانون جزاده و كرك اصول محاکمات جزائیه ده بر قانونک ماقبله عدم شمولی حقنده صراحت قطعیه یوق ایسه ده كرك قانون جزانک ۱۵ نجی ماده سیله دستورده مندرج قوانین سائرمنك طرز بیاننه و كرك اجتهاد محاکم ایلله ثابت اولدینغه نظراً بر قانونک ماقبله شمول و عدم شمولی مسئله سی قطعياً حل ایدلشددر. قانون ایکی قسمدر: یا اساس قانونی اولور و یا اصول قانونی اولور. بوعدم مشمولیت قاعده سی اساس قانوننده قطعیدر. فقط اصولده قطعی اوله ماز. اساس قانونی موجب پنجه یا اورته ده جرمك و قوعی چیننده بر قانون موقع تطبیقه قوتیلور و یا جرمك نتیجه تحقیقات و محاکماتنه قدر تکرار بر قانون وضع ایدیلور؛ که شو حالده اول امرده ایکی قانون اولسی اعتباریله بالطبع ماقبله عدم شمول قاعده سنه کوره حرکت سهیل فقط قانون اوج اولدینی تقدیرده کیفیت بر عکسدر. جزاده دائماً متهم لهنه تفسیر قواعد اساسیه دن اولسنه بناءً مخفف جزا قاعده سی

مشکلاتی ازاله ایتمیشدر . اگر اسکی قانون یکی قانوندن اخف ایسه برنجیسی و اشد ایسه ایکنجیسی تطبیق اقتضا ایدر . بر جوق و تائق عدلیه ایله مثبت اولان بو مسئله اگر اوچ قانون اولق اوزره دوشونیلورسه ینه متوسط اولان قانون مؤخر و یا مقدم اولاندن اخف ایسه اونکله ، دکل ایسه مقدم و یا مؤخر اولاندن اخف اولانی ایله عمل لازمدر .

فقط جزائک هانکیسی خفیفدر ؟ بونی تعیین ایچون اگر بر جزای بتون بتون لغو ایدیور و یا حد اعظم و اصغرینی تنقیص ایدیورسه یکی قانون اسکیسندن اخفدر . اگر تعدیلات؛ جزائک شکنده اجرا ایدیورسه ایش بر آز مشکل اولور . بو سببدن قوانین اصلیده عدم شمول قاعده سی جداً سزای تدقیقدر . جریمه حین وقوعنده موجود قانون جزا ده کی ماده معینه ده خفیف بر ماده بی حاوی بر قانون نشر ایدیور و تعقیبات و تحقیقات ائساننده برنجیدن خفیف و ایکنجیدن شدید بر اوچنجی قانون موقع تطبیقه قونیلورسه اوزمان نصل معامله پائلیدر ؛ ایکنجی قانون ایله جزا تطبیق متهم ایچون نافعدر . هر حالده مخفف اولاندن استفاده ایتسی شرائط عدل و حقانیتدندر . مظلونک محکومیتنی متعاقب بر قانون نشر ایدیولوبده هنوز حکم کسب قطعیت ایتمه مش اولورسه نه یاقی لازمدر ؛ اصول جزا ده مستلزم تأخیر اجرا اولان درجات مافوقیه به مراجعت قانون جدید هنوز موقع تطبیقه قولیه رق اصلاً سابق قانون ایله معامله مجبوریتی ایجاب ایدر . بر قانون جدید اسکی قانونک احکامنی لغا ایله اوقعله یکی بر جزا قویدنی تقدیرده متهمک فعلی بوکا تطبیق ایدلمسی عدم امکان درجه سنده قالیر ؛ زیرا حکم زماننده بالذات غیر موجود اولان بر جزای متهمه نصل ونه صورته تطبیق ایتلیدر ؛ شارع اولکنی اصلاً قالدیره رق یکی قانونه بر تشمیل ماقبلی ویرمکده در . قوانین اصولیده کیفیت باشقه درلودر . بواصلدن ایریلور . بوراده موضوع بحث اولان صلاحیت ، صور محاکمات ایله اصول محاکماتدر بو قوانینک شکل و وضعی کوستریورکه ماقبله شمول اوله بیلیر . چونکه حقیقتک ظاهره اخراجنه دائر اولدینی جهته حقوق مکسوبیه طوقونماز . زیرا کشف حقیقته یارایان بر شئی هیچ برفوق منع ایدمیز . اصول قانونلری تمامیه به بیحئنده اساس قانونلرله معارض و منافی دوشر ؛ بو قانونلر دائماً بر تشمیل ماقبلی به معروضدر .

قانونك محلی اولمسی

اصول محاکمات جزائیه قانونك ۵، ۶، ۷ نجی ماده‌ری دلالتیه اکلایلوورکه قانون جزا عثمانی ممالکنده حکمی جاری و محلیدر .

برقانون حکمفرما اولدینی ممالک داخلنده نافذ اولمق حیثیتیه محلیدر؛ حدود عثمانی خارجنده جاری دکلدیر . شو حاله کورم عثمانی ملککنده ارتکاب جرم ایدن تبعه اجنبیه‌ده برقانون تطبیق اولنور . مع‌مافیه بونک مستثناسی واردر . بزم قانونغردم محلیدر .

ملک حق حاکمیت واستقلالیه قانونك « محلی » اولمسی ایجاب ایدر . جزا یالکیز عدل مطلق اساسنه مستند اولنجه مطلقاً هر حرکتک بر مجازاته معروض قالمسی نقطه‌سندن خارج حدودده مرتکب بر فعلک قاعده محلیته بناءً تجریم ایدلمه‌سی موافق کبی کورونغز وعدالت مطلقه بوجزایی ایجاب ایدرسده منفعت فکریله امتزاج بوعتراضه محل برافراز . مع‌مافیه بوراده عدل مطلقه فکر منفعت برلشدیریلهرک قانون انجق او ممالکده تطبیق ایدیله‌بیله‌جکی قاعده‌سی اورته‌یه سوریلورسده بونک برچوقده مستثناسی واردر بردوانک کندی ممالکنده ارتکاب ایدیلن جرائم او ممالکده جاری قانون ایله مجازات ایدیلور ، قوانین اجنبیه غیر کافیدر . بونی بویله طایبق حقوق دولیه‌دندر . وفکر منفعتده بونی ایجاب ایلر . لکن ممالک اجنبیه‌ده ارتکاب جرم ایدن تبعه‌مز حقننده نه‌دییه بیلورز . بونده موضوع بحث اولان جهت مرتکبک تابعیتی ایله فعلک شکلیدر . اولادولتک امنیت واسایشته قارشو دیار اجنبیه‌ده ارتکاب ایدیلن جرائم نظره چاربار . دیار اجنبیه‌ده تعقیباتدن خلاص بولش بریسنک ملکمزده اثبات وجود ایتمسی امنیت عامیه طوقونمازمی ؟ ایشته بونکچون ۵، ۶، ۷ نجی ماده‌لرده کوردلیکی وجه اوزره ممالک عثمانیه‌ده اجرای مجازات اولنور، بوندن خارج از مملکت امتیازینه ممالک اولانلر مستنادر .